

Sarkina Bt Mat Saad @ Shaari

From: UUM CORPORATE COMM.
Sent: Sunday, February 2, 2020 3:13 PM
To: UUM - All Staff; UUM - All Students
Subject: RTD Cari Resolusi Tingkat Keupayaan Usahawan Kecil



UUM Corporate Comm.
Universiti Utara Malaysia

2 FEBRUARI 2020 / 8 JAMADILAKHIR 1441H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Siti Fatimah Abdullah
Gambar oleh: Shamsaimi Ezil

RTD CARI RESOLUSI TINGKAT KEUPAYAAN USAHAWAN KECIL



UUM ONLINE: Perbincangan meja bulat (*Round Table Discussion, RTD*) anjuran Kursi CIMB-UUM di bawah SEFB merupakan satu lagi usaha CIMB-UUM untuk menyokong Dasar Keusahawanan Negara 2030 (DKN 2030).

Pengarah Kanan, Bahagian Pembangunan Ekosistem Keusahawanan, Kementerian Pembangunan Usahawan dan Koperasi, Dato' Zailani Hashim berkata, dasar yang dilancarkan pada Julai 2019 itu berfungsi sebagai strategi jangka panjang untuk menjadikan Malaysia sebuah negara keusahawanan yang berjaya menjelang 2030.

Menurutnya, dengan perkembangan ekonomi global, pencapaian keusahawanan semasa serta isu dan cabaran dalaman, DKN 2030 menyediakan rangka kerja dan ekosistem holistik bagi tujuan pembangunan keusahawanan di Malaysia.

“Usaha untuk mengatasi isu dan cabaran yang penting akan meningkatkan keupayaan perusahaan mikro, kecil dan sederhana serta koperasi untuk berjaya.

“Perbincangan meja bulat ini juga adalah bertujuan untuk bertukar-tukar pandangan di antara pengamal, pengawal selia, pegawai kerajaan, pembuat dasar, serta penyelidik dan ahli akademik, mengenai akses kepada pembiayaan mikro.

“UUM telah menyediakan platform terbaik dalam membahaskan isu-isu serta mencadangkan resolusi yang relevan untuk berjaya dalam persekitaran ekonomi semasa yang mencabar,” katanya pada perbincangan meja bulat bertemakan ‘*Microfinancing Facility For SMEs: It’s Impact, Outreach and Sustainability*,’ katanya di EDC Hotels & Resorts, baru-baru ini.

Beliau berkata, RTD itu dapat memberi maklum balas dan cadangan kepada kerajaan untuk memastikan kemudahan pembiayaan mikro berkesan dari segi akses, jangkauan dan kemampuan.

“Usaha ini memerlukan kerjasama daripada pelbagai pihak dan kita perlu buat yang terbaik untuk membantu peniaga mikro serta perusahaan kecil dan sederhana untuk menjadi usahawan yang berjaya.

“Saya akan membawa balik resolusi ke kementerian dan berharap resolusi yang dikemukakan dapat membantu kerajaan Malaysia dan institusi pembiayaan mikro menemui kaedah untuk menjadikan pembiayaan mikro di Malaysia berdaya maju,” katanya.

Sementara itu, Timbalan Naib Canselor (Hal Ehwal Pelajar dan Alumni), Prof. Madya Dr. Hendrik Lamsali berkata, kerajaan, institusi kewangan dan bukan kewangan, dan agensi-agensi telah melaksanakan banyak program termasuk bantuan kewangan untuk meningkatkan keupayaan usahawan.

Bagaimanapun katanya, masih terdapat banyak isu dan cabaran yang perlu ditangani terutamanya mengenai halangan utama untuk mengakses sumber kewangan ini.

Tambahnya, di Malaysia, kebanyakan usahawan menghadapi cabaran dalam memperoleh pembiayaan disebabkan oleh sejarah kredit yang lemah, dokumen sokongan yang tidak lengkap dan mencukupi, kekurangan cagaran, dan kurang celik kewangan.

“Perbincangan meja bulat ini menjadi medan untuk ahli akademik melontarkan pandangan dan membuktikan pengetahuan di dalam bidang ini dan seterusnya mengimbangi keperluan para pengamal industri dan pembuat dasar dalam merangka polisi yang diperlukan dalam pembangunan negara.

“UUM sentiasa menyokong usaha yang membantu agenda pembangunan negara dan dalam merancang strategi bagi mengekalkan pertumbuhan ekonomi yang mampan di samping menggalakkan penglibatan universiti-industri yang telah menjadi salah satu agenda penting dalam pembentukan dasar pendidikan tinggi,” katanya.



Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.